

est animi submissione humillimè depono. Eadem scilicet, quæ Nomen Tuum per Castra Mavortia & Principum Regumque aulas prædicabunda circumfert, Fama per Orbem literarium quoque dudum deportavit Laudes Tuas ac Studium ardentissimum, tum erga quodvis aliud eruditionis genus, tum verò vel maximè erga Matheseos & Curiosioris Philosophiæ secreta, quæ non foves tantùm ac promoves clementissimè, sed excolis ipsemet ac ditas Inventorum novorum & Arcanorum Mechanicorum locupletissimis accessionibus. Illud loquuntur Tui SCHMIDLINI, REISELII, SCHUCKARDI, cæteri que, qui quasi certatim in Studiis & exercitationibus Mathematicis experimentis que curiosioribus, quantum per occupationes publicas licet, indies ex ea causa maximè defudant, quòd hæc talia probari TIBI, ac esse in deliciis, habeant compertissimum: Hoc autem ipsis oculis ingerit, præter alia Cimelia, quæ Technophylacium Stutgardianum publicè spectanda magno numero offert, fontes que artificiosos quos Domus & Hortus & Grotta, quam vocamus exterò idiomate, Ducalis, Tuá curá & munificentia